

Veitur ohf.
Bæjarhálsi 1
110 Reykjavík

Reykjavík, 20. maí 2021
UST202104-193/Þ.V.B.
09.07.01

Umsókn um leyfi til framkvæmda - Háubakkar

Umhverfisstofnun hefur móttengið umsókn Veitna ohf., dagsett 15. apríl 2021, um leyfi til framkvæmda innan náttúruvættisins Háubakka.

Háubakkar eru friðlýstir sem náttúruvætti sbr. auglýsing nr. 347/1983. Mannvirkjagerð eða jarðrask, sem getur breytt útliti eða eðli svæðisins, er óheimilt, nema til komi leyfi Umhverfisstofnunar. Hverskonar losun jarðefna, rusl eða sorps er óheimil á hinu friðlýsta svæði.

Lýsing verkefnis:

Um er að ræða framkvæmdir við útrás á yfirborðsvatni við mörk Háubakka. Til þess að koma yfirfallinu fyrir þarf að grafa fyrir því á mörkum náttúruvættisins. Kort sem sýnir staðsetningu útrásarinnar fylgdi með umsókn. Ekki er gert ráð fyrir mikilli notkun á útrásinni þar sem aðrar lausnir eru til staðar sem leiða rigningarvatn af svæðinu og henni eingöngu ætlað að taka við útfallinu. Stærstur hluti framkvæmdarinnar mun fara fram utan utan náttúruvættisins. Áætlað er að framkvæmdin muni taka 3-4 mánuði og að hún hefjist 1. júní 2021.

Umsögn:

Umhverfisstofnun leitaði umsagnar Náttúrufræðistofnunar Íslands þann 3. maí 2021. Umsögn Náttúrufræðistofnunar barst 7. maí 2021 þar sem fram kom að stofnunin teldi að framkvæmdin muni hafa lítil sem engin áhrif á jarðminjar svæðisins. Jafnframt telur stofnunin ekki líklegt að hrun úr bökkunum muni aukast frá því sem nú er, eftir að öryggisútrásin er komin.

Áhrifamat:

Umhverfisstofnun metur verkefnið ekki líklegt til að hafa neikvæð áhrif á verndargildi svæðisins sé farið eftir skilyrðum leyfisins.

Skilyrði:

Umhverfisstofnun veitir Veitum ohf. fyrir sitt leyti leyfi til framkvæmda innan Háubakka sbr. lýsingu hér að ofan á tímabilinu 1. júní til 1. október 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.

- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Einungis skal aka vinnuvélum vegna framkvæmdarinnar innan náttúruvættisins að og innan skilgreinds framkvæmdarsvæðis. Afmá skal öll hjólför utan vega að framkvæmdum loknum.
- Þess skal gætt við gröft á svæðinu að ekki sé hróflað við óstöðugum setögum sem geti leitt til berghruns.
- Forðast skal óþarfa rask og stærð framkvæmdasvæðis skal haldið í lágmarki.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Vandað verði við frágang eftir að verki lýkur. Vinna skal að endurheimt og landmótun á því yfirborði sem raskast, sem stuðlar að náttúrulegu útliti og um leið afmá öll ummerki framkvæmdarinnar. Við endurheimt gróðurs á raskaða svæðinu skal nýta náttúrulegan staðargróður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

René Biasone
sérfræðingur

Þórdís Vilhelmína Bragadóttir
sérfræðingur